

道光癸卯修

劉氏族譜

星麗堂梓



偉賢公夫婦合傳

昔司馬子長作史記有紀有表外此又有
 列傳有合傳傳者傳也言其人敦品立行
 可傳於後世故傳於是作焉然則士君子
 涉世苟德業絕無可傳者何取乎傳人亦
 何樂乎爲之作傳予
 外大父偉賢公諱
 宗翹邑善士也生而穎異足學多能因失
 怙棄業歛跡林泉本先世忠厚之傳引而

弗替治家以勤儉接物以和平持躬則孝
弟是敦教子則義方是訓其事母色笑善
承病時侍湯藥暫不離側及沒哀毀骨立
葬後夕具香茶適墓拜號數月不倦其待
昆季友恭至篤析著之日聽其所與毫不
計爭以故族黨稱之胥無間言至於仗義
輕財一切利物濟人之舉無不樂爲卽凡
所見溺女文戒殺文及保惜古冢等文不

獨誦諸其日而必持以示人若所聞人有
非禮之事非義之圖婉諭曲責絕不重斥
一言鄉鄰之薰其德而善良者有難以悉
述而且厚於崇本道光辛巳倡捐掛掃昭
會業盈餘置產今姪嗣孫會輩作探原之
論皆曰非公之力不致此德配歐陽
老慈人坤儀盡善內助多賢平日得外
大父歡以幽閒貞靜稱者數十載如提攜

族戚賙恤里閭固遐邇共誇今猶嘖匕不
置若夫勤紡績操井日爲家人先特其餘
事耳 公享年六十有六 母享年六十
有八福壽全歸而皓首同老有子三孫三
會元迭起詎非天之所以償孝弟而報忠
厚者有如是哉 翰自襁褓失怙而母志相
舟深荷兩 大人德惠感戴難忘茲因
公族三修家乘聊於 兩大人之素行述

其一 二而

綸褒

寵錫當自有時要無不足以慰泉下之望云


外孫韓良翰豫山氏頓首拜撰

道光癸卯歲孟冬月 穀旦

肇躬 池

男 孫漢江曾孫綱明敬刊

肇增 騰




飲此冬服數盡冬以...

補元氣壯精神真仙...


耐險嘗自守御聖無不...

餘藥...

其六二面




天葩文星形墓圖



卷二

墓圖

墓圖



右圖坐潭邑上十七都九甲地名杉木衝左側
桐子園圍內廼我外祖劉公偉賢外祖妣
劉母歐陽氏之佳城也公正寢在堂舅父倩
漢池謝君尋真覓吉命余同往是時余方究心
黃卷未解青囊承命隨遊適遇其地山環水聚
門戶緊嚴尋及穴場洵爲吉壤舅乃憑中價接
瘞玉於茲距今十餘年矣此因三修家乘囑余
以繪畫墳塋所在及疊嶂重巒之勢余曰此丹

青事也余何能爲舅曰爾近來深得六圃先生
地學必能審勢繪形况墓圖之繪殊非他比匪
深於形勢何能識其龍之來由脈之貫澈彼卽
繪之安能說乎余聞此不敢有違於是登山觀
覽值茲天朗氣清淑景迎眸和風拂面泉涓々
而悅性鳥噦々以怡情不禁往復流連自穴場
而造祖山之頂其砂環水抱曲折盤旋無不深
悉但來龍甚遠難以詳述自馬嶺少宗以下大

開枝帳曲成捲簾殿試節上尊嚴枝上聳拔脈
從中落至羊嶺頓成華蓋三台透頂而降跌落
平岡過峽玉邱金箱左右拱護抽出水木蘆鞭
迨遞而來到頭突起排列三台平開數条中結
一突略有微窩蝦鬚既分蟬眼復合穴體顯然
呈露所謂天然之龍而結天然之穴也且白虎
繞過明堂以收內氣內堂緊巧外陽寬暢青龍
廻環遠有尖峰對拱近有貴人特朝穴似天葩

卽號曰天葩文星形卯龍入首扞作午山子向
兼丁癸元關通竅出煞收生固造化之一定云
爾爰喜而爲之贊曰


馬嶺祖山聳半天重開枝帳互盤旋逶迤儼若
生蛇勢屈曲真如初月弦倉庫充盈堆峽外旂
鎗排列插身邊青龍水繞三層鎖白虎砂高幾
度纏粟實封殘長裕後桂花攀去早推先從知
福地多畱秘會待吉人聽自然

外孫韓良泉奕山氏頓首拜撰

道光癸卯歲孟冬月

穀旦

男肇躬肇增孫漢池漢江漢騰敬刊



偉賢公夫婦墓誌銘

公姓劉

諱

宗翹

字

偉賢

屏彰

公之

四子

譚

慈人所出雲舞健揚鴻翥之胞弟白雲之

胞兄也公先世歷居上十七都若衝迨

高祖志卿公始遷居十五都家延化塘

公賦性忠厚持己端嚴而於事親敬兄信

友之道益謹故其孝弟之稱無間族黨重

然諾尙廉潔言不過辭行不過則利濟募

修從無吝色他如教子弟示族鄰匪特義

方是訓尤嘗以各種善書兼相告誡吁

公之爲公詎非得天厚而服古深與

德配歐陽氏系出六一巨族春耀公之長

女三從脩四德全事姑以孝相夫以敬處

妯娌以和生子三長肇躬媳蕭氏次肇增

媳周氏三肇倡媳陳氏女二長歸韓明賢

次歸同利案孫二漢池漢騰孫婦曹氏孫

女三長歸陳繩英次歸同貞漢三待字曾

孫一綱明曾孫女字韓佑德
公以乾隆

寺
三十二年丁亥八月十八日亥時生享壽

六十有六於道光十二年壬辰正月二十

二日戌時沒 母以乾隆三十年乙酉八

月二十二日酉時生享壽六十有八於

道光十二年壬辰二月二十二日巳時沒

擇吉攢於祖山越明年四月初七日未時

合葬契買陳有山之山坐本邑上十七都
九甲地名杉木衝左側桐子園圍內中甯
穴號天葩文星形依針定作午山子向兼
丁癸爲塋子緣致仕回鄉公嗣屬子誌
其墓因與公相知最久謹將公之生
平掇其畧以著於石而又爲之銘曰
生旣並蓮蒂葬復共天葩二老偕歸山之
窆夜臺長寂烟雲護瞻仰風徽悵眼賒地

效靈兮天相吉佇看競秀茁蘭芽

龍山縣儒學正堂省山胡岐拜撰

道光十八年戊戌歲季冬月穀旦立

道光癸卯歲孟冬月穀旦

躬池

男肇孫漢江曾孫綱明敬錄

增騰



Faint vertical text columns, likely bleed-through from the reverse side of the page. The characters are difficult to decipher due to fading and ghosting.

立契出賣陰穴山地領錢人陳有山弟日

村同男長慶等今因窘迫無從出措願將

瑞田冲內山落冲今改

祖遺上十七都九甲地名杉木衝桐子園

圍內中背直上抵壕壩直下六丈八尺左

抵陳人公山壕基右抵父墳側窠心寬八

丈五尺係裁尺過量四處抵界挖坑窰石

爲界欲行出售再三挽中吳湘山劉光甲

等行言勸合本邑十五都劉醴仁兄弟伯

姪等向前承接安葬墳塋比日得受地價
錢拾千零八百文整係陳人兄弟親手領
訖未少隻文就日憑中扞清界止明白毫
無互混未賣之先並無謀奪既買之後听
劉人安墳進葬栽培蓄禁管理永無異言
其有劉人墳前界外陳人不得栽樹遮掩
明堂及節外生枝概係出筆理妥不與劉
人相干彼此兩甘今欲有憑立此地契一

紙與劉子孫永七為據

劉光甲

韓奕山

陳克明

陳克修

馮中正

吳湘山

劉英才

俱押

謝漢池

陽克明


有山

道光十二年四月二十八日陳

筆立押

日村





Faint, illegible text impressions, likely bleed-through from the reverse side of the page.

立契出賣山地領錢人僧隆贊願將師遺
上十七都二甲地名長沙衝石堂庵對門
山觜歷有劉姓祖墳一家掛管迄今原係
劉姓明葬二派祖萬富公迨後因業遞售
湮遠失批茲憑中唐彩和劉等將該
山摘售與劉萬富公位下嗣孫等以全祖
墓其山界就日登山并清橫直穿心貳丈
五尺挖坑窖石爲界憑中三面得受地價

錢叁千文係僧人親手領足未少隻文既
 賣之後界內聽劉姓人等修砌栽培管理
 僧人毫無異言所出所受彼此兩甘今欲
 有憑立此出賣山契一紙與劉氏永遠為

據

憑中

道光二十三年七月初六日僧隆贊筆立

立契出賣山場字人周晝先同男鴻聲今
有七十四都劉曉字先年因母王氏物故
安葬地名桑樹灣田邊嶺上因墳塋已葬
在先祇得憑中周思字君字等將山截斷
出賣與劉曉字父子管業掌禁當日憑中
得受山價銀叁兩貳錢整係周人父子親
手領訖銀契兩交就日登山扞踏山嶺界
止上齊山頂下齊山脚左邊五丈右邊五

丈為界永聽劉人父子掌禁日後劉人進
葬周人無得異言今恐人心不古立此賣
契一紙付劉人父子永遠收執存據

周思宇

憑中周君宇

宋愛所

順治八年九月初十日周畫先親筆立

立契出賣山場字人周畫先親筆立

立契出賣山場荒田人周良甫同男榮玉
兄弟今有戚誼劉美卿志卿舜卿兄弟于
先年祖墳數塚葬人十一都一甲地名若
衝雷家灣係六甲周宅之山據云見良分
私業祇因寫遠難以長禁今憑中黃九爰
周南吉行言召到劉宅將本山截斷以栗
樹爲界與劉人管業山邊老荒田一坵零
一墩以爲墳山田之意也當日憑中議定

劉人出備價銀肆兩叁錢整就日銀契兩
交並無短少分厘其間並無逼勒等情比
日登山扞踏號樹爲界本年圍壕壕內係
劉人管業日後劉人進葬周門人等無得
異言老荒田聽自劉人開墾周人不得科
派今恐人心不古立此賣契領帖二紙與
劉人永遠存據

同叔父周冲霄同男周榮玉華玉

智玉 同堂弟周昇之周子受

黃九爰

憑中

周南吉

康熙三十年十二月二十六日周良甫筆





